

I Made Rajeg

AWIG AWIG

DESA ADAT NYUH KUNING



DESA : MAS
KECAMATAN : UBUD
KABUPATEN : GIANYAR

BUDAKLIWON PAGERWESI, 24 AGUSTUS, 1994



Eka Dharma Dhumaranang Sarat, adalah nama lambang ini. Artinya hanya ada satu kebenaran yang sarus ditegakkan demi kesejahteraan bersama. Dalam hubungan ini adalah kesejahteraan jesmani dan rokhani krama desa adat Nyuhkuning.



PENJELASAN LAMBANG

BENTUK

Berasal dari bentuk lingkaran mengadaptasi bentuk Brahmanda sebagai lambang bahwa segala kegiatan selalu berpangkal pada aspek ketuhanan.

Bentuk lingkaran ini juga merupakan wujud dari eka sila, adalah perasan dari bentuk segi lima dari panca sila.

Eka sila, dari Tri sila, perasan dari panca sila dalam lambang ini berarti **gotong royong**. Ini tak dapat dipungkiri merupakan dasar kehidupan bermasyarakat bagi krama desa Nyuh kuning.

BAGIAN

Lambang ini terdiri dari tiga bagian, merupakan pengejawantahan dari elemen waktu atita, anagata, wartamana, masa lalu, masa kini dan masa datang, maupun unsur Tri Hitakarana. Unsur itu antara lain Ketuhanan, yang dilambangkan **Swastika**, unsur sate tungguh yang dibentuk oleh pasepan di atas gambar Nyuh Kuning, melambangkan naluri keseimbangan alam semesta (makrokosmos) dengan tata pergaulan krama Nyuhkuning (mikrokosmos). Unsur padi kapas serta pita bertuliskan dharma dhumaranang sarat yang melingkari lambang ini mengisyaratkan hubungan yang harmonis manusia dengan manusia, manusia dengan alam serta manusia dengan Tuhan.

ARTI MASING - MASING LAMBANG

Swastika berada di atas pedupan yang berdiri di atas gambar nyuh berwarna kuning, melambangkan bahwa krama desa nyuhkuning memeluk keyakinan agama Hindu serta menjunjung tinggi kelestarian adat dan agama Hindu.

Padi dan Kapas, melambangkan semua kegiatan yang dilakukan di dusun nyuh kuning terutama untuk kesejahteraan warganya, juga untuk kesejahteraan masyarakat nyuhkuning, baik sandang, pangan, perumahan dan lain-lain.

Pita bertuliskan Dharma Dhumaranang Sarat. Untaian kata ini diambil dari serat kakawin arjuna wiwaha Lambang ini menjadi dasar dari keseluruhan lambang artinya, prinsip - prinsip dharma atau kebenaran senantiasa menjadi dasar keyakinan masyarakat nyuhkuning untuk menegakkan dharma demi kesejahteraan bersama warganya.

SEGI LIMA. Segi lima yang membentengi keseluruhan lambang ini adalah perwujudan dari semua sila dari pancasila telah diterima menjadi dasar segala kegiatan masyarakat nyuhkuning.

WARNA. Lambang ini harus menggunakan tiga warna, yakni barak, selem, kuning. Mengambil wujud warna dari Brahma, Wisnu, Iswara sebagai warna Tri Murti.

PIDAGING
MAKA BANTANG AWIG-AWIG DESA ADAT NYUH KUNING

Widang

MURDHA CITTA.

SARGA I. ARAN LAN WAWIDANGAN DESA.

SARGA II. PATITIS PAMIKUKUH.

SARGA III. SUKERTA TATA PAKRAMAN.

Palet 1. Indik Krama	1
Palet 2. Indik Prajuru Desa	3
Palet 3. Indik Kulkul	5
Palet 4. Indik Paruman	5
Palet 5. Indik Druwen Desa	6
Palet 6. Indik Sukerta Pamitegep	7
Kaping 1. Karang Tegal lan Carik	7
Kaping 2. Pepayonan	7
Kaping 3. Wewangunan	8
Kaping 4. Wewalungan	8
Kaping 5. Bhaya	8
Kaping 6. Penyanggran Banjar	9

SARGA IV. SUKERTA TATA AGAMA

Palet 1. Indik Dewa Yadnya	9
Palet 2. Indik Resi Yadnya	12
Palet 3. Indik Pitra Yadnya	12
Palet 4. Indik Manusa Yadnya	15
Palet 5. Indik Bhuta Yadnya	15

SARGA V. SUKERTA TATA PAWONGAN

Palet 1. Indik Pawiwahan	16
Palet 2. Indik Nyapihan	17
Palet 3. Indik Sentana	18
Palet 4. Indik Warisan	19

SARGA VI. WICARA LAN PAMIDANDA

Palet 1. Indik Wicara	21
Palet 2. Indik Pamidanda	21

SARGA VII. NGUWAH-NGUWAHIN AWIG-AWIG

SARGA VIII. PAMUPUT

MURDHA CITTA
AUM, OM

Om Swastyastu, Om awighnamastu nama Siddhem, putusang sabha krama Desa Adat Nyuh Kuning gumawe Awig-awig Desa Pakraman maka sepat siku-siku pamatut kasidan prayojanan mami kabeh prasama anghidep mwah amanggehaken kadi linging Awig-awig iki.

SARGA I
ARAN LAN WAWIDANGAN DESA
Pawos 1

1. Desa Adat puniki mawasta Desa Adat Nyuh Kuning
2. Jebar kakuwub wawidangan nya mawasta nyatur :
 - a. Sisi Wetan Tukad Lodtunduh
 - b. Sisi Kulon Tukad Wos
 - c. Sisi Lor Tegal/Sawah Duwe Pura Dalem Padang Tegal
 - d. Sisi Kidul Carik Umadesa
3. Desa Adat puniki kewangun antuk karang ayahan Desa miwah karang gunakaya sane wantah tunggil banjar inggih punika Banjar Nyuh Kuning.

SARGA II
PATITIS LAN PAMIKUKUH
Pawos 2

- Desa Adat Nyuh Kuning ngemanggehang pamikukuh minakadi :
- a. Pancasila
 - b. Undang-Undang Dasar 1945 pamekas pasal 18
 - c. Perda Propinsi Daerah Tk I Bali No. 06 Tahun 1986
 - d. Tri Hita Karana manut sada cara Agama Hindu

Pawos 3

- Luwir pattitis Desa Adat Nyuh Kuning :
- a. Mikukuhin miwah ngrajegang Sang Hyang Agama
 - b. Nginggilang tata prawartine magama
 - c. Ngrajegang kasukertar: Desa sana pawongannya skala lawan niskala

SARGA III
SUKERTA TATA PAKRAMAN
Palet 1
Indik Krama
Paws 4

1. Sane kabawos krama Desa inggih punika kula warga sane magama Hindu ngamong karang Desa utawi karang gunakaya
2. Sajaba punika sinanggeh tamiyu

Pawos 5

Sane kasinanggeh tamiyu wenten kalih soroh :

- a. Tamiyu dura negara sane jenek magenah ring Desa Adat Nyuh Kuning, saha sampun tegep pailikityanyane nganinin indik tamiyu sane ngailila cita
- b. Tamiyu sane saking dura negara, wantah warga negara Indonesia, jenek ajebos ring Desa Adat Nyuh Kuning

Pawos 6

- (1) Krama Desa sane nampi padunungan tamiyu, patut atur supeksa ring Prajuru, sakirang-kirangnya arahina ngawit padunung punika rawuh
- (2) Salanturipun, Prajuru maritatas tur makelingang/ngilikityang kahanan tamiyu punika makadi tatujonnyane rawuh tur magenah ring Desa Adat Nyuh Kuning sapunika taler kanjekan matilar, mangda atur supeksa ring Prajuru Desa
- (3) Sane wenten negepin pidabdab kadi ring ajeng, nenten kalugrahin jenek, sajabanin wenten sane ngawirang dados walanyane
- (4) Sahananing tamiyu mangda nganutin yasa kertin Desa

Pawos 7

Kawit dados krama Desa :

- a. Sangkaning ngamong karang
- b. Mawiwit pawiwahan

Pawos 8

Panamayan tedun makrama Desa :

- a. Nyabran Wrespati Umanis Dungulan, majeng ring sane ngalaksanayang pawiwahan
- b. Ngawit jenek mapaumahan sangkaning mapaumahan
- c. Nyabran masadokang marep ring krama pangele

Pawos 9

- (1) Krama Desa wenten 3 (tiga) soroh luire :
 - a. Krama ngarep : krama Desa sane ngamong karang
 - b. Krama penyibakan : krama desa penyibakan, sane nenten ngamong karang
 - c. Krama Sukaduka : krama boya wed sane jumenek ring wawidangan Desa Adat Nyuh Kuning
 - d. Krama Balu : Kuluwarga sane katinggal seda olih lanang istrinyane, utawi sang kawin nyapihan
 - e. Krama Tapukan : Krama sane katinggal seda olih yayah miwah renanya tur durung antes ngayah
- (2) Krama Sukaduka kadadosang tedun makrama Desa sangkanan lila miwah ilikita pastika sakeng wiwitannyane, manut pararem.
- (3) Krama Desa, patut ngajegang kasukertan Desa manut patitis ring ajeng

Pawos 10

Sahanan krama desa sami keni tetegenan

Pawos 11

Krama Desa kadadosang :

- a. Mapuwangkid utawi nenten tedun
 1. Rikala mapawangunan, ngeraabin, meyadnya, matepetin, kaluasan, sungkan, manut pararem
 2. Kengin tempo wantah apisan, sajawanin wenten wak-wakan Prajuru Desa
- b. Nyada, mapiteges ngemademang ayah, risampun mayusa 70 warsa sangkaning pinunas ngeraga tur nenten dados nyuksukin
- c. Nyada utawi nyuksukin, tur sane kawenangang risampun manggeh deha taruna mayusa 17 warsa utawi mrasidayang nganutin Krama
- d. Nutug ayah antuk harta brana saantukan kapalang, utawi ngentos ayahan antuk harta brana manawi kajudi olih dang mawangrat lan siosan punika manut pararem +

Pawos 12

Wusan dados Krama Desa, luire :

- a. Sangkaning :
 1. Pinunas ngraga manawi kesah kadura Desa utawi ngalangkungi segara
 2. Kanorayang duwaning sampun nenten prasida ngesehin solahmaprawerti satata lempas ring kecaping awig-awig
- b. Sang wusan makrama :
 1. Patut ngaturang karang ayahan ke Desa
 2. Nenten polih pah-pahan sangkaning padruweyan Desa
 3. Sang wusan dados krama desa, prade mawali tedun makrama malih keni pamopog manut pararem
 4. Yan nenten makrama desa, tat kala kalayusekaran yening ipun magama Hindu kadadosang mangge setra, nanging sederengnya patut tedun makrama keni pananjung batu, utawi panguriaga manut pararem arep ring sang ngidih sawa

Palet 2
Prajuru Desa
Pawos 13

- (1) Desa Adat Nyuh Kuning kaenter olih Bendesa Adat
- (2) Banjar kaenter olih Kelinan Banjar
- (3) Bendesa lan Kelihan Banjar patut :
 - a. Mawiwit sakeng krama desa ngarep utawi penyibakang
 - b. Kaadegang malarapan antuk kacatri ring paruman Desa nyabran 5 (limang) warsa
 - c. Sewos tur dados kacatri malih apisan
 - d. Maduluran Desa saksi ring pura Bale Agung

Pawos 14

- (1) Bendesa Adat kasangga olih :
 - a. Sabha Desa
 - b. Petajuh pinaka wakil
 - c. Penyarkan pinaka juru surat
 - d. Patengen pinaka juru raksa
 - e. Kasinoman pinaka juru arah
- (2) Kasinoman akehnya manut kawigunan, magilir nyabran sasih
- (3) Sajeroning ngenterang kasukertan niskala Bendesa mingsinggihang Pamangku Kahyangan Desa, utawi sang rumaga Sulinggih

Pawos 15

- (1) Swadharmaning Bendesa Adat luire :
 - a. Ngenterang pamargin sadaging Awig-Awig miwah pararem Desa
 - b. Nuntun tur ngenterang krama rawuhing warga desa ngupadi manut patitis
 - c. Mawosin kalih niwakang pamutus arep ring wicara warga Desa
 - d. Maka duta desa matemuang bawos ring sapa sira ugi
- (2) Prade prajuru iwang panglaksana keni pamidanda pateh ring kaiwang krama suang-suang, saha kangkat kararianang manut pararem

Pawos 16

Patias utawi olih-olihan Prajuru Desa luire :

- a. Pilih tanding tengah/cenengan
- b. Patias sewosan manut pararem

Pawos 17

- (1) Prajuru Desa kagentosin riantukan :
 - a. Seda
 - b. Kancrayang duwaning iwang pamargi utawi niar sasana
 - c. Wit sakeng pikayun rahayu utawi pinunas ngeraga
- (2) Nganorayang utawi ngentosin prajuru patut sajeroning paruman tur kaingkupin olih krama Desa

Pawos 18 Sabha Desa

- (1) Sajeroning ngamargiang swadharma, Prajuru Desa kaabih olih Sabha Desa
- (2) Sane dados paalitan ring Sabha Desa, Pamangku Kahyangan Desa, lan sang sinanggeh wagmi ring pakraman, kasudi olih Krama Desa
- (3) Sane maka pabuat swadharma Sabha Desa, maka angga kwatengin Prajuru, sajeroning ngajegang pamargin awig-awig miwah swadharma, seosan sane sampun kamarggehang ring pararem-pararem
- (4) Pamadegan paalitan sabha desa, laminnya pateh ring pamadegan Prajuru Desa

Palet 3
Indik Kukul
Pawos 19

- (1) Kukul ring desa luire :
- Kukul Desa
 - Kukul Banjar/Tempekan
 - Kukul Sekaha-Sekaha
- (2) Suaran kukul manut ring tetujun inggih punika :
- Embas putra : duang kelentungan
 - Pawiwahan : telung kelentungan
 - Kalayu sekaran : petang kelentungan
 - Tedun ngayah/sangkep : duang tulud banban
 - Upacara kalayu sekaran : atulud banban
 - Geni bhaya : bulus atulud
 - Artha/Jiwa bhaya : kukul bulus duang tulud
 - Kasrenggara : kukul bulus telung tulud
 - Ngawangdeyang karya : telung tulud ngempang
 - Rikala wenten yadnya
surya graha, bulan kepangan : nung tit

Pawos 20

- Kukul Desa utawi Banjar tan wenang katepak yening tan sangkaning pitutud prajuru/dulun desa, sajawaning tengeran kepencabhayayan
- Sang nepak tan sangkaning pituduh patut digelis atur supeksa maka buatan panepake, yan tan mangkana wenang sang mawurug ke danda manut pararem
- Kukul sekaha-sekaha semalihe kukul pondokan tan kalugra nyawerin (matehin) utawi tengeran kukul desa/Banjar prade mawurug taler kadanda manut pararem

Palet 4
Indik Paruman
Pawos 21

- Samua/sangkepan ring Desa Adat Nyuh Kuning wenten :
 - Samua Desa/Banjar, kaentenang enam bulan sekali
 - Sangkepan Prajuru Desa, kawentenang manut wiguna
- Paruman Desa utawi Banjar madudonan sekadi ring sor :
 - Prasida lumaksana risampun olih sang patut ngemiletin kamanggala antuk tengeran kukul miwah mabusana adat madya, saha tan kalugra makta gagawan saka!uire
 - Tan maren ngarencana ring Ida Bagawan Penyarikan, maka sarana Widi Widana banten cane
 - Maka pangawit kalaksanayang pewacak
 - Tan kalugra ngawetuang suara gora utawi biyota, yaning wenten asapunika keni pandidanda beya pacamil kadi dandadaning nguman-nguman ring sabha, manut pararem
- Prade pidaging paruman nenten kaingkupan mangda Prajuru Desa ngilikang babawos,

saha pamutusnya kasobyahang mangda keraremin olih krama desa, bilih tan prasi-
da kasungkemin jantos ping tiga, Prajuru Desa wenang nunas bawos ring sang
ngawenang.

Pawos 22

- (1) Sajeroning paruman desa, Bendesa patut nyobyahang pamargi ngenterang Desa,
pemekas nganinin indik
 - a. Munjuk lungsur pakraman saha ayah-ayahan, sulur arta brana druwen desa
 - b. Rarincikan prajuru ngananin utsawa desa kapungkur
- (2) Pamutus paruman desa sinanggeh pararem maka pamitegep awig-awig

Pawos 23

- (1) Sangkepan prajuru desa madruwe kawenangan wantah ngarincikang pangrancana
utsaha desa kapungkur
- (2) Sangkepan prajuru desa nenten kawenang ngawedalang tategenan ring krama sa-
dereng kaingkupan olih krama desa
- (3) Pamutus pasangkepan prajuru desa ngawentenang paswara, maka pidaging pituduh
sang ngawenang utawi ngonekang pecak pararem krama desa

Palet 5

Indik Druwen Desa

Pawos 24

Padruwen Desa, sekadi ring sor :

- a. Kahyangan Desa luire :
 1. Kahyangan Tiga;
 2. Pura Melanting;
 3. Pura Taman.
- b. Bale Desa/Banjar;
- c. Tanah Tegal;
- d. Karang ayahan desa, munjuk lungsur saking paumahan lan teba
- e. Setra, tanah lapang
- f. Pelaba pura, carik/ tegal manut ilikita
- g. Lelangunan, mekadi tetabuhan lan ilen-ilen, gong, musium patung, penghargaan-
penghargaan dll.

Pawos 25

Piilih-piilih Desa Adat Nyuh Kuning :

- a. Piilih-piilih saking pura;
- b. Urunan Krama Desa Adat;
- c. Paica saking Guru Wisesa;
- d. Paica-paica sane tiosan, sane patut
- e. Utsaha Desa

Pawos 26

- (1) Prajuru/Desa wenang ngetangang pamupon laba pura lan sepenunggalan druwe desa
- (2) Pikoli lan pamuponnya keanggen prabeya piodalan saha wewangunan ring pura
- (3) Nyabran pasangkepan desa prajuru pengemong druwe ngawentenang pariindik munjuk lungsuring padruwe ring Krama Desa.
- (4) Seka luring druwe desa patut wenten ilikitannya
- (5) Tan kalugra ngadol padruwen desa yan tan kasungkemin antuk krama desa

Palet 6
Sukerta Pamitegep
Kaping 1
Karang, Tegal lan Carik
Pawos 27

- (1) Krama Desa Pangemong Karang (tanah sane lan keni tigasana miwah teba) patut ngewatesin karang inucap rian antuk tembok utawi pagehan mangda pekantenannya asri
- (2) Wates sisi kaler miwah kangin, patut kakaryanin olih sang ngamong ayahan inucap, sane mawasta magaleng kaluan. Tanah pecatu, tegal, carik utawi tanah padruwen ngraga sane kapiara wantah gagale kateben
- (3) Prade karasayang wates pagehan utawi tembok inucap ngalikadin, yaning pada arsa panyandinge kengin watese ngangge pinget kewanen, kasaksinin olih prajuru desa utawi prasihna antuk paal saking sang ngawewenang
- (4) Prade wenten karang kabebeng utawi embot mangda kautsahayang pamarginya
- (5) Krama Desa nenten dados ngadol wiadin ngontrakang karang ayahan desa, kecuali kepada orang yang beragama Hindu

Pawos 28

- (1) Sinalih tunggil krama desa utawi banjar nenten kalugra :
 - a. Ngalah-alah margi, tegal, carik lan sapanunggalannya
 - b. Ngalah-alah kahyangan, setra miwah sekancan linggih sane kasinanggeh suci
- (2) Prade wenten sekadi ring ajeng, sang ngalah-alah patut ngawaliang tanah inucap saha keni pamidanda, kadulurin upacara ring tanah inucap manut pararem

Kaping 2
Pepayon
Pawos 29

- (1) Ngawit nandur pepayonan tanam tuwuh, sekiranya adepa agung(2 meter) ngaje-roang sakeng wates, prade jantos ngaliwat wates wennag kasepat gantungin
- (2) Yaning wenten tetanduran ngungkulin, semaliha wastu mayaning kapisaga patut kawara antuk paiguman ping ajeng mangda prasida sang nruwenang wit, ngebah utawi notor
- (3) Prade sampun kewara taler nenten wenten usaha sang nruwenang wit, sang rumasa ketetehan utawi kajerihin wenang mesadok ring prajuru tur risampun kaparitas

kalugrang icalang wit inucap, sakewanten patin papayonan punika patut katawur manut pararem

- (4) Sang keni pamidanda panyangaskara saha prabeya manut pararem arep ring wawangunan sangkarubuhan, luire :
 - a. Sang nruwenang wit sinanggeh mayanin, prade pungkut ngarubuhin wewangunan krama sewosan
 - b. Sang notor, munggul utawi ngebah kayu tur ngarubuhin krama sewosan
- (5) Krama Desa patut ngamanggehang kawerdian tanem tuwuh sane ngawinang De-sane asri

Kaping 3
Wewangunan
Pawos 30

- (1) Nyabran ngawangun patut :
 - a. Masadok ring prajuru desa, prade wewangunan inucap ngawinin wates
 - b. Ngagege asta bumi miwah asta kosala- kosali, sanistane manut ring patitis niskala
- (2) Prade wewangunan jantos nyayubin, bilih-bilih tembok ring telengin wates, risampun kawara tur kasadokang ring prajuur wenang kadanda manut pararem saha wangunan inucap kagubar, utawi sanistane mangda kekeryanang abangan, untuk sementara
- (3) Barang siapa membangun dipinggir jalan, wajib tetap mempertahankan keasrian ambal-ambal, sedikitnya 75 cm
- (4) Yang melanggar, diwajibkan untuk membongkar bangunannya

Kaping 4
Wewalungan
Pawos 31

- (1) Sahanan warga desa sane mamiarsa wewalungan bawi utawi banteng, patut nitenin negul utawi nglogor mangda nenten ngarusak utawi pabianan krama sewosan, bilih-bilih jantor ngranjing ngaletihin kahyangan
- (2) Prade wenten wewalungan malumbar utawi ngeleb ngarusak pakarangan utawi pabianan krama sewosan, risampun kewara kengin kataban, tur kadanda kawaliang wit sane karusak saha nawur panebas papiaran tatabanan manut pararem
- (3) Prade jantos ngaletihin linggih suci, minakadi pamrajan utawi sanggah risampun kaparitas oleh prajuru, wenang sang nruwenang kadanda mrayascita antuk panca sata utawi mabuhu agung prade ngaletihin Kahangan Desa utawi pamaksan
- (4) Krama Desa patut nyanggra wewalungan miwah sarwa prani, nenten kapatut made-mang paksi, nuba ulam miwah sane sewosan, yaning wenten kadi asapunika keni pamianda manut pararem

Kaping 5
B h a y a
Fawos 32

- (1) Pariindik bhaya, luire : geni bhaya, jiwa bhaya, arta bhaya dura cara ring agama
- (2) Sang manggihin sahanan jiwa bhaya, patut nepak kulkul bulus mapitulung manut pawos 19

- (3) Prade ring desa kahanan jiwa bhaya, patut desane ngaturang bhuta yadnya tur sang sane mayanin kaaturang ring sang ngawewenang
- (4) Prade wenten jadma mamisuh utawi nguman-uman mantuk ring jadma sewosan kakenenin pamidanda beya pecamil tebasan prayascita tur jadma punika nunas pangampura ring ajeng krama desa

†

Pawos 33

- (1) Sang manggihin kahanan arta bhaya maling utawi parampokan, patut nepak kulkul mapitulung manut pawos 19 utawi sang kemalingan / karampokan atur supeksa ring prajuru desa sane pacang nimbangin utawi midanda manut pararem m
- (2) Pratingkahe mapailon ring nenten nyadokang ring prajuru, jantos jadma sewosan nyaduang, patut keni pamidanda pateh kadi maling, tur jantos ping tiga melaksana asapunika wenang kasukserahang ring sang ngawewenang
- (3) Prade wenten jadma ngerereh reramon nenten masadok ring snag nruwenang wit, yening kacunduk utawi ketara patut kadanda kadi maling
- (4) Prade wenten jadma ngranjing kapakubon wiadin pekarangan rikala suwung, mawastu sang nruwenang kaicalan, wenang jadma inucap kasadokang ring prajuru, lan katuwekang antuk Madewa saksi ring Pura Bale Agung
- (5) Mangda nenten katuwekang manut ring ajeng, asing-asing ngranjing kapakubon jadma sewosan patut :
 - a. Matengerang suara utawi makaukan
 - b. Nyantos sang nruwenang karang rawuh utawi masadok ring pangapit pinih tampek, maka buatan pangranjinge
 - c. Pamedal karangnya kadangin sawen, maka cihna pangarikala suwung
- (6) Sang kahanan utawi sang manggihin geni bhaya, patut nepak kulkul mapitulung manut pawos 19

Kaping 6

Panyanggran Banjar

Pawos 34

Krama Desa rikala ngawentenang karya suka-duka, patut kesangu olih sang nruwenang karya luire :

- a. Prade ngawangun panca yadnya, manut pinunas sang mayadnya katurang panyanggra manut pararem
- b. Pangingu rikala panca yadnya, manut bobot dangan karya manut pararem

SARGA IV

SUKERTA TATA AGAMA

Palet 1

Indik Dewa Yadnya

Pawos 35

- (1) Pelinggih penyiwian sewidangan Desa Adat Nyuh Kuning
 - a. Kahyangan tiga, Pura Desa/Bale Agung, Puseh miwah Pura Dalem;
 - b. Pura Taman ;
 - c. Pura Melanting;
 - d. Pelinggih Ida Ratu Ngadeg

- (2) Rahina piodalan soang-soang Kahyangan inucap, kadi ring sor ;
- a. Ring Kahyangan Tiga luire :
 1. Pura Desa/Bale Agung, rikala Buda Umanis Dukut
 2. Pura Puseh, rikala Buda Umanis Dukut
 3. Pura Dalem, rikala Anggara Kliwon Julung Wangi
 - b. Pura Taman rikala Buda Kliwon Sinta
 - c. Pura Melanting, rikala Buda Cemeng Warigadyan
 - d. Pelinggih Ida Ratu Ngadeg rikala Saniscara Kliwon, Kuningan
- (3) Pengaci ring Pura inucap manut kecap sastra agama, saha kelaksanayang nista, madia, utama manut samua

Pawos 36

- (1) Ring soang-soang pura inucap kaadegang Pamangku
- (2) Ngadegang Pamangku manut dudonan :
- a. Turunan utawi ngawaris
 - b. Kacatri utawi kejudi olih krama Desa Adat Nyuh Kuning
 - c. Nyanjaan utawi masemurang, soang-soang mapiteges mapinunas ring ajeng Pura ajeng Pura Kahyangan Tiga
- (3) Tan kawenangan anggen Pamangku luire :
- a. Minakadi : Peceng, perot, cungh lan sapanunggalannya
 - b. Sang sapa sira ugi sane tan kapatutang manut pararem
 - c. Sungkan ila, ayan, buduh wiadin edan
 - d. Sane madrebe kasucian urip tan becik
- (4) Prabeya kapamangkuan :
- a. Adiksa Widhi utawi ngawentenang, kamedalang saha kalaksanayang olih sang ngadegang, makadi krama desa adat magenah ring sinalih tunggil Kahyangan Tiga
 - b. Mapitra yadnya riwekas Pemangku inucap patut kasungkemin tur kalaksanayang olih krama desa adat, manut pararem
- (5) Pemangku patut ngemagehang sesananing pamangku, manut Sastra Agama luire :
- a. Tan wenang ajejudon
 - b. Tan aparek ring naya dusta
 - c. Tan atayub ring tarub camarayudha
 - d. Tan pati pikul-pikulan
 - e. Tan ngeranjing ring umah wong bajina karma
 - f. Ambek Dharmā Sadu
 - g. Aswaka dharma
 - h. Tan ngeranjing ring umah wong Drati Krama
 - i. Tan amangan lan anginum sahanan sane ngawe wra
 - j. Tan wenang salab-sulub
 - k. Tan griganing wong akweh
 - l. Tan keneng cuntakaning wong leri
 - m. Yan mawija wahara, tan wenang anayub upadrawaning cor saha wenang madewa saksi

Pawos 37

Swadharmaning Pamangku luire :

- a. Ngenterang upacara piodalan ring Kahyangan utawi ring soang-soang pakubon krama
- b. Prade salah sinunggil Pamangku kapialang utawi cuntaka, kengin nguntap Pamangku sewosan utawi nawur sulinggih
- c. Yening sampun Pamangku ngayah ring Pura kancit wenten kalawarganya kalayu sekaran, pamangku inucap tan kengi cuntaka, sakewanten nenten budal selami piodalan

Pawos 38

Patias utawi piilih-olihan Pamangku, luire :

- a. Panyolasan miwah sarin canang soang-soang pakubun krama desa lan punia manut pararem
- b. Paupon palaba Pura minakadi carik utawi tegal manut pararem
- c. Patios-tiosan manut pararem

Pawos 39

- (1) Pamangku kagentosin riantukan :
 - a. Seda
 - b. Pinunas ngraga, manawi kegeringan lan sapanunggalannya
 - c. Kawusang olih krama, riantukan melaksana sane tan patut
- (2) Prade pamangku kawusang sangkaning tan patut pelaksanannya keni pamidanda manut pararem

Pawos 40

Kasukertan Kahyangan kadi ring sor :

- a. Tan kalugra ngeranjing ke pura luire :
 1. Sang kahanan cuntaka
 2. Makta sahanan sane kasinanggeh ngelethehin
 3. Sato ageng, sajawaning rikala mapapada
 4. Mabusana tan patut kadi tata caraning ngranjing ke Pura
 5. Sadereng polih uwak-uwakan utawi pituduh sakeng prajuru desa
- b. Pratingkahe tan wenang ring pura :
 1. Masumbah utawi cor, sajawaning pituduh prajuru desa
 2. Makobetan, masesenengan, makolem dados siki lanang wadon, mabacin, mawiyawihara, nyangsang busana, menahin pusungan, macecepin rare, wak tanpa dhon lan sapanunggalannya
 3. Mungguh tedun palinggih, sajawaning pituduh Pamangku utawi prajuru desa
- c. Sang mawurug kecap ring ajeng keni pamidanda pamrayascita sepatutnya, manut pararem

Pawos 41

- (1) Yaning wenten jadma karawuhan ring Pura, kengin kapintonin prade rumase kasu-mangsayan, yaning tan wyakti jadma inucap kesisipang manut pararem.
- (2) Prade Kahyangan kahananiin durmangala minakadi bhaya, Pamangku utawi sang manggihin patut digelis nyadokang ring prajuru, prajuru Desa mangda marumiang krama Desa tur ngawentenang pamrayascita sepatutnya

Palet 2
Indik Resi Yadnya
Pawos 42

- (1). Sang pacang madeg pandita utawi Pinandita minakadi balian sonteng, Kubayan, sakaluring jagi ngenterang Yadnya, patut masadok ring prajuru desa utawi Parisa-da Hindu Dharma Indonesia.
- (1). Prajuru Desa patut nitenin tur naweng ngalangin prade wenten kacihnian sasar ke-kecap muwah drestane, tur sareng nyaksinin upakara saha nyobyahang ring paruman desa tegep rawuh wates kawenangannya ngenterang Yadnya

Palet 3
Indik Pitra Yadnya
Pawos 43

Pamargin pitra yadnya madudonan manut sekadi ring sor :

- a. Pangupakara sang kalayu sekaran :
1. Antuk mendem utawi ngeseng, maka cihna pakingsan ring Ibu Pertiwi utawi ring geni, selami nuptupang prabeya
 2. Atiwa-tiwa utawi upacara pelebon
- b. Upacara upakara Pitra Yadnya riwusan kaabenang ngraris munggah daunbingin utawi Nyekah

Pawos 44

Swadharmaning lan tetegenan prade wenten sinalih tunggil krama kalayu sekaran :

- a. Sang kadukitan patut :
1. Nyadokang ring klian Banjar tur nunas tatimbangan indik kawentenannya
 2. Ngaturin krama banjar makarya eteh-ete saha kadulurin pangrombo nganter kesetra
- b. Banjar utawi Desa Adat :
1. Klian Banjar maritatas pamargin sang kadukitan manawi kapendem, makinsan riyin utawi nglantur kaabenang
 2. Prade sampun paritatas, raris kaswarayang kulkul petahu manut pawos 18 olih Klian Banjar utawi patajuh
 3. Panyanggran Banjar utawi Desa Adat Selanjutnya :
 - a. Soang-soang krama nedunin pasuka duka utawi patus manut pararem
 - b. Ngarombo ngaryaning eteh-ete saha kasarengin olih krama sane rawuh maaksian
 - c. Krana Banjar maka sami nyarengin ke setra jantos upacara inucap puput Tan kengin nyekkeh sawa langkungan ring pitung rahina, sajawanin pacang kapaleuang, indik pagebagan manut pararem
- Tan kalugra nginepang bangbang miwah mendem rikala : semut sadulur, kala go-tongan, was panganten, pasah, ingkel wong, prawani, purnama, tilem, kliwon/ka-jang kliwon, rerahinan jagat, soma umanis tolu, pepedan, titi buwuk.
- Prade wenten kalayu sekaran rikala wenter piodalan, dados mendem sasiliban, tan pasadok tur mamargi rikala wengi ke setra
- Yan wenten sinalih tunggil krama seda, jagi kaabenang utawi kapalebon sajeroning krama desa ngawentenang Dewa Yadnya patut pamutusipun manut pararem.

- (1) Sane kasinanggeh Cuntaka kadi ring sor :
- Cuntaka antuk kalayu sekaran.
 - Cuntaka antuk Ngraja swala
 - Cuntaka antuk ngembasang putra
 - Cuntaka antuk karuron
 - Cuntaka antuk sungkan ila
 - Cuntaka antuk pawiwahan
 - Cuntaka antuk gamia gemana
 - Cuntaka antuk salah timpal
 - Cuntaka antuk sang mobot nenten kaupakara
 - Cuntaka antuk mamitra ngalang
 - Cuntaka antuk ngembas putra nenten majalaran upacara pawiwahan, minakadi pabeyakawonan miwah pawidiwidaran.
 - Cuntaka antuk sad ataty minakadi : agnida, wisada, atharwa, sastragraha, dratikrama lan raja pisuna
- (2) Sasengker Cuntaka manut ring loka miwah sastra dresta :
- Cuntaka kalayu sekaran utawi sede luire :
 - Prade Kapendem :
 - Cuntaka mantuke ring krama Banjar sengkernya 3 rahina ngawit riwusan mendem tur sampun polih prayascita utawi melukat.
 - Cuntaka mantuke ring kulawarganya sajeroning pekarangan sengkernya, 42 rahina ngawit sakeng kalayu sekaran.
 - Prade kaabenang :
 - Cuntaka sang nyambut karya sengkernya, ngawit sakeng nanceb utawi nyambut karya ngantos riwis Yadnya nglantur malih tigang rahina
 - Cuntaka ngrajaswala sengkernya, ngantos riwusan ngraja swala
 - Cuntaka ngembasang putra sengkernya, 42 rahina ngawit embas tur sampun ka upakarayang makambuhan miwah maprayascita manut dresta lan agama sane istri, sane lanang wantah akepus odel.
 - Cuntaka karuron sengkernya, 42 rahina ngawit karuron risampun matirta lan maprayascita sane istr, sane lanang 3 (tigang) rahina
 - Cuntaka sungkan ila, buduh sengkernya, ngantos sesampune seger utawi kenak jati mula tur sampun kaprayascita
 - Cuntaka pawiwahan sengkernya, ngantos sesampune mapabeyakawonan utawi upacara pawiwahan.
 - Cuntaka gamia gemana sengkernya, ngantos sasampun kapalasang utawi masa-pihang tur sampun kawentenang maprayascita raga lan prayascita desa adat miwah Kahyangan
 - Cuntaka salah timpal sengkernya, ngantos sesampune kapuputang manut dresta lan Sastra Agama
 - Cuntaka sang mobot tan nenten majalaran upacara pawiwahan sengkernya, ngantos kawentenang upacara pabeyakawonan tur prayascita.
 - Cuntaka mamitra ngalang sengkernya, ngantos kawentenang upacara pabeyakawonan tur prayascita
 - Cuntaka ngembas putra nenten majalaran upacara pawiwahan sengkernya, ngantos sang putra wenten memeras tur sampun kawentenang upacara manut dresta

Ian Sastra Agama Hindu.

- l. Cuntaka sad atatayi sengkernya, ngantos sampun maprayascita raga tur nent pisan dados ngamungguhah upacara padwijatian.
- (3) Sane kehanan cuntaka luire :
 - a. Cuntaka kalayu sekaran ;
 1. Sang sane kalayu sekaran
 2. Kulawarganya
 3. Krama Desa Adat
 - b. Cuntaka ngraja swala ; wantah sang sane ngraja swala
 - c. Cuntaka ngembasang putra ; Kulawargannya sane ngembasang lanang lan is miwah putra sane kaembasang
 - d. Cuntaka karuron ; wantah kaluwarganya lanang miwah istri
 - e. Cuntaka sungkan ila miwah buduh utawi edan ; wantah sane sang sungkan
 - f. Cuntaka pawiwahan ; wantah sang sane mawiwaha lanang miwah istri
 - g. Cuntaka gamia gemana ;
 1. Sang sane melaksana gamia gemana inucap
 2. Desa Adat miwah kahyangan desa
 - h. Cuntaka salah timpal ; sang sane melaksana salah timpal inucap lan desa adat.
 - i. Cuntaka sang mobot nenten majalaran upacara pawiwahan wantah sang sane n bot kewanten.
 - j. Cuntaka ngembas putra nenten majalaran upacara pawiwahan ;
 1. Sang sane ngembas putra
 2. Sang putra sane kaembas.
 - k. Cuntaka sadatatayi; wantah sang sane melaksana sad atatayi inucap.
- (3) Sane tan kahanan cuntaka luire :
 - a. Sang meraga sulinggih
 - b. Sang meraga Pamangku Kahyangan, prajuru desa/banjar, sajawinin kulawarga nya tunggil natar, utawi pasiwiyanane

Pawos 46

- (1) Atiwa-tiwa utawi pangabenan wenten tigang soroh luire :
 - a. Sawa Prateka
 - b. Nyawa Resi
 - c. Suwasta
- (2) Panamayan pangabenan wenten kakalih luire :
 - a. Ngaben dadakan utawi bah-bangun, mangda segelis-gelisnya, prade wenten de-
wasa.
 - b. Ngaben ngamasa sejeroning limang warsa utawi manut pararem
Dudonan pangabenan; gawit saking ngagah utawi seda, ngeseng miwah pengirin
an utawi nganyut, nglantur ngantos nyekah.

Pawos 47

- (1) Tatibakan pepatusan pangabenan luire :
 - a. Ngaben ngamasa, kalaksanayang olih krama Banjar manut pararem
 - b. Ngaben dadakan manut pararem.

Palet 4
Indik Manusa Yadnya
Pawos 48

- (1) Manusa Yadnya inggih punika, upacara-upacara dharmaning manusa, ngawit saking patemon kama bang lan kama putih ring sajeroning garba, ngantos kalayu sekaran riwekas.
- (2) Upacara-upacara inucap madudonan kadi ring sor :
 - a. Magedong-gedongan, duk pangrempinian ibiyang (garbha dhana)
 - b. Duk sang kama reka medal
 - c. Kepus odel
 - d. Roras rahina
 - e. Tutug kambuhan (42 rahina)
 - f. Masambutan 3 sasih (miskarmana)
 - g. Ngotonin, odalan (6 sasih)
 - h. Tutug kelih minakadi, ngraja swala wadone utawi ngembakang / ngraja singa lanange
 - i. Matatah utawi mapandes
 - j. Mawiwaha
 - k. Upacara - upacara inucap nganutin; nista, madya lan utama manut dresta miwah Sastra Agama

Palet 5
Indik Bhuta Yadnya
Pawos 49

- (1) Bhuta Yadnya inggih punika : upacara-upacara pabeyakalan ring pratiwi, kahyangan, sarwa prani miwah ring babhutan.
- (2) Upacara pabeyakalaan ring sarwa prani miwah piranti
 - a. Ring sarwa tumbuhan rikala tumpek pengatag utawi saniscara kliwon wariga.
 - b. Ring sarwa ingon-ingon ; rikala tumpek andang utawi saniscara kliwon uye
 - c. Ring sarwa leladep, rikala saniscara kliwon landep
 - d. Ring sarwa lelanguan, rikala saniscara kliwon krulut.
 - e. Ring sarwa raringgitan rikala saniscara kliwon wayang.
 - f. Ring sarwa syandana, rikala saniscara kliwon kuningan
 - g. Ring manusa, manut widana inggih punika kabawos pabeyakalan.
- + (3) Upacara pabeyakalan ring pratiwi, Kahyangan lan babhutan kawastanin macaru.
- (4) Pacaruan inucap nganutin nista, madya lan utama manut wigunannya sakadi ring sor :
 - a. Eka sata
 - b. Panca sata
 - c. Panca sanak
 - d. Rsi gana
 - e. Tawur agung
 - f. Panca kelud
- (5) Sajawaning kadi ring ajeng kawentenang upacara-upacara ;
 - a. Masaiban utawi yadnya sesa nyabran wusan ngratengan
 - b. Masapuh-sapuh rikala pacang wali utawi odalan ring pura utawi ring sajeroning Kahyangan.

- (1) Nyabran ngawarsa rikalaning Tilem kasanga kawentenang tawur kasanga, maka cihna pacang nyanggra rahina penyepian benjangnya.
- (2) Brata panyepian sane kamargiang olih krama desa luire :
 - a. Amati geni
 - b. Amati karya
 - c. Amati lelungan
 - d. Amati lelungan
- (3) Pabraton inucap kamargiang sakeng semeng.
- (4) Sang mawurug kecap ring ajeng, keni pamidanda manut pararem.
- (5) Riwas rahina panyepian utawi benjangnya maka cihna pangawit isaka warsa, patut sowang-sowang krama desa madharma shanti.

SARGA V
SUKERTA TATA PAWONGAN
Palet 1
Indik Pawiwahan
Pawos 51

- (1) Pawiwahan inggih punika, petemoning purusa-pradana melarapan antuk panunggalan kayun kadulurin upasaksi sakala miwah niskala
- (2) Pamargin pawiwahan luire :
 - a. Papadikan, kamanggala antuk pakrunayan
 - b. Ngarorod, merangkat riyin wawu kakrunayang
 - c. Nyeburin utawi sentana nyeburin
- (3) Paridabdab sang pacang mawiwaha patut ;
 - a. Sampun manggeh daha truna utawi prasida nganutin undang-undang sakeng sang ngawenang
 - b. Sangkaning pada lila utawi tan kapaksa
 - c. Manut kecaping agama.
- (4) Pamargin pawiwahan mangda taler nganutin undang-undang pawiwahan saking sang ngawenang

Pawos 52

- (1) Pawiwahan sane kapatutang ring desa, sekadi ring sor :
 - a. Sampun ngamargiang pabeyakalaan utawi pasakapan, kasinaksiang sekala-niskala olih pandita utawi pinandita
 - b. Wenten upasaksi prajuru sare mapakelingan utawi ngila kitayang pawiwahannya.
 - c. Sampun matengeran suara kulkul manut pawos 18
- (2) Prabian sane tan manut kadi ring ajeng sinanggeh tan patut utawi tan sahi.

Pawos 53

Tata caraning parabian patut kadi ring sor :

- a. Sapasira ugi pacang ngawarangang pakulawangan patut masadok ring prajuru, selanturnya prajuru maritatas manut tan manut kakecap parabiannya.

- b. Pamargin pepadikan manut dudonan :
- (1) Pakrunan ngantos ping tiga, saha soang-soang malarapan :
- Kapertama makta suwar, canang.
 - Kaping kalih suwar miwah canang.
 - Kaping tiga makta suwar miwah pejati, kabawos pamuput pepadikan.
- (2) Risampun puput babawos papadikannya raris sang istri keajak budal ring pakubon sang lanang, saha kadulurin antuk pabekelan.
- (3) Mangda puput tumus sekala miwah niskala, kulawarga sang purusa makta pajati ring pamrajan sang pradananya
- (4) Prade ngarorod utawi merangkat patut :
- Raraman sang purusa ngawentenang pamilaku antuk duta sakirangnya kalih diri.
 - Pagenahan antene tan kengin ring pakubon sang purusa utawi sang lanang, sedereng kawentenang pabeyakalaan
- (5) Sajeroning pakrunan utawi panglakuan patut :
- Kamanggala antuk geng rena sinampura marep ring wadon utawi sang pradana
 - Kaigumang bawos idih pakidih utawi palemngan arep ring paswakan sang ngidih, saha dewasa pakerab kambeyannya riwekas.
 - Kacihnayang kapurusa, utawi prade sentana rajeg kajejeng patut ngidih anak lanang kabawos pawiwahan nyeburin.
 - Prade tan katrima pejatine, pakrunanan tetep kamargiang ping tiga
- (6) Pakerab kambeyan mapiteges upacara tinas apadang, dwaning manut sekadi ring sor :
- Sajeroning kaba wos ambe, kelaksanayang ring sekala miwah niskala antuk sarana jajauman miwah pawidi widana;
 - Jajauman pindaka ngambe utawi ngadungan kayun soang-soang pakulawarga sang pradana.
 - Pawidi-widana pinaka pejati nunas sang pradana ring pamrajan kamulannya.
 - Sajeroning kabawos kerab ring sekala :
 - Antuk upasaksi krama Banjar
 - Antuk upasaksi prajuru, saha ngilikitayang.

Palet 2
Indik Nyapihan
Pawos 54

- Parabian prasida wusan malarapan antuk palas parabian utawi salah sinunggil pademi utawi seda.
- Wusan merabian riantukan salah sinunggil seda mapiteges balu mekadi balu lanang miwah istri.
- Palas inerabian, sangkaning mawiwit wicara.
- Sang ayat palas inerabian patut atur upeksa pailikitaan riyin ring sang rumawos wastu tinas apadang pamutuse kabawos nyapihan, wawu prajuru nyobyahang kawentenang ring Desa saha keni pamidanda pamelin suaran kulkul manut pararem.

Pawos 55

Tata cara palas marabian kadi ring sor :

- Namur prabeya upasaksi sinalih tunggil pada matenga

- b. Pagunakaya polih ah-pahan pada.
- c. Pabekel tatadan, soang-soang kakuasa niri-niri muah warisan kekuasa olih sang purusa
- d. Ngaweruhin miwah ngupajiwana pratisentana manut swadharmaning guru rupaka.
- e. Nawur pamidanda pamelin suara kulkul manut pararem.
- f. Ngelung jinah lokika

Pawos 56

Prade sang palas riwekas kecihnan adung malih, patut :

- a. Nglaksanayang upacara pawiwahan malih
- b. Kadanda nikel saking palase

Pawos 57

- (1). Sang balu kabinayang dados :
 - a. Balu istri wit sentana utawi sentana rajeg miwah balu istri boya sentana.
 - b. Balu lanang wit sentana utawi purusa, miwah balu lanang nyeburin utawi boya sentana
- (2). Swadharmaning balu inucap patut :
 - a. Ngamanggehin pati brata, tan kengin ngemargiang paradana utawi drati krama.
 - b. Ngusayang waris paguna kaya, tan dados ngadol, ngadeang lan makidihang miwah sewosan mekadi punika, sejawaning sampun kadadosang olih pawaris maka-di pianak utawi okannya kantun malit.
 - c. Kawenangan mawiwaha malih, prade wenten pamutus manut aksara b ring ajeng.

Pawos 58

Balu kaucap tan pageh sekadi ring sor :

- a. Drati krama utawi paradara.
- b. Matilar sakeng pakubon tan pasadok 6 (enam) sasih.
- c. Lepas ring swadharmaning sewos-sewosan, tan prasida ngesehin solah maprawerti marep ring kulawarga purusa sane patut.

Palet 3
Indik Sentana
Pawos 59

- (1). Sentana wenten kalih soroh inggih punika : pratisentana miwah sentana pape-rasan
- (2). Pratisentana inggih punika : sentana sane metu saking pawiwahan sane patut utawi sah.
- (3). Prade wenten sentana metu saking pawiwahan sane tan patut, patut kamanggala antuk panyengaskara mangda tan kantun mawasta babinjad utawi astra.
- (4). Prade pawiwahan tan ngametuang sentana, kengin ngidih sentana antuk upasaksi sekala miwah niskala, mawasta sentana pape-rasan.
- (5). Sentana rajeg inggih punika, pratisentana wadon sane kamanggehang purusa tur risampun nglaksanayang pawiwahan nyeburin.

- (6). Sang sane dados kaarsayang rajeg inucap wiwit angka lima, ring ajeng, inggih punika :
- Pratisentana wadon tunggal
 - Sampun kemanggehang dados pratisentana purusa.
 - Sampun ngelaksanayang pawiwahan kaceburin, kautamayang antuk jadma sane magama Hindu utawi jadma magama sewosan nanging sampun kelaksanayang sudiwadani.
 - Sane ngemanggehang sentana rajeg, patut mapasadok ring prajuru Adat tur nyobyahang ring krama Desa Adat.

Pawos 60

- Ngangkat sentana manut dudonan patut makacihna arta brana paperasan sane kasinaksiang sekala miwah niskala.
- Sapasira ugi krama pacang ngidih sentana, patut masadok ring prajuru miwah guru wesesa sanistannya 3 (tigang) sasih sadereng paperasan.
- Prajuru Desa nyobyahang ring krama desa, sang sapa sira ugi rumaksa tan lila mangda nyadokang ring prajuru masengker sakirang-kirangnya kalih wuku utawi 14 rahina sabanen upacara pamerasan kelaksanayang.
- Prajuru digelis mawosin saha ngicening pemutus nepak dresta muwah pararem.
- Prade sulur pamerasannya tan manut kecap ring ajeng, prajuru desa wenang ngadeg sang pacang makarya saha ngicen panuntun mangda kapuputang riyin sulur utawi wicaranya.

Pawos 61

- Paperasan sane kapuputang ring Desa risampun makacihna :
 - Widi widana pamerasan.
 - Kasaksiang olih prajuru desa makalingang utawi ngilikitayang, tur kasobyahang ring krama desanya.
- Sang patut kaperas anggen sentana sekadi ring sor :
 - Jadma sane magama Hindu.
 - Papernahan nedungang sakeng sang meras.
 - Kulawarga sakeng purusa, prade tan wenten kengin sakeng wadon utawi pradana, yening taler ta wenten wawu kengin sakama-kama utawi sakeng kayun.
 - Kautamayang sakeng waris pancor kapurusa.
 - Sinalih tunggil mawiwit sakeng kulawarga tunggal sanggah utawi anak sewos sa-kewanten magama Hindu.
- Dados ngangkat sentana langkung ring adri, lanang-lanang lan wadon-wadon, Prade lanang wadon tan dados kawiwahan.

Palet 4
Indik Warisan
Pawos 62

- Warisan inggih punika, tetamian arta brana miwah arta pusaka saha ayah-ayahan, ngupadi sekala miwah niskala sakeng kaluhuranya ring turunannya.
- Kang sinanggeh warisan luire :
 - Duwe tengah makadi, karang ayahan desa, pusaka, siwakrana lan sapanung-

- gilannya
- b. Pamrajan
- c. Pagunakayan, tadtadan utawi jiwa dana, utang - piutang,
- (3). Wawu kengin kabawos warisan prade wenten :
 - a. Sang mapiturun utawi pewaris. †
 - b. Keturunan utawi pawaris.
 - c. Harta brana miwah tetegenan utawi ayah-ayahan makacihna warisa.

Pawos 63

- (1). Ahli waris luire :
 - a. Pratisentana purusa.
 - b. Pratisentana wadon utawi sentana rajeg
 - c. Sentana paperasan lanang utawi wadon.
- (2). Prade tan wenten kadi ring ajeng sane sinanggeh ahli waris
 - a. Turunan purusa pernah ngunggahang makadi, raramanya, pekaknya selantur ipun rerama misan mindon.
 - b. Turuna purusa pernah kesamping makadi misan, mindon kaponakan misan miwah mindon.
 - c. Yan kaluwarga inucap putung utawi camput, karang desa sane kaamong kasuk-serahang ring desa adat.

Pawos 64

Swadharmaning ahli waris patut :

- a. Narima saha ngawasaayang tetamian pahan sakeng kulawarganya makadi karanya muwah nyeledihin ayah-ayahan pawaris
- b. Ngabenang pawaris saha nglanturang upacara-upacara pitra.
- c. Nawurin utang-utang pawaris sane manut pangelokika. †

Pawos 65

Pangepahang waris manut kadi ring sor :

- a. Risampun kalaksanayang pitra yadnya lan utang-utang pawaris buntas katawur.
- b. Para ahli waris polih pahan pada sakeng pagunakayan, sajawaning karang, patut pada polih pahan.
- c. Sinalih tunggil ahli waris kengin tari polih pahan prade
 - 1. Ninggal agana
 - 2. Alpaka guru rupaka
 - 3. Santana rajeg utawi pratisertana nyeburin kesah mawiwaha soang-soang kabawos ninggal kadaton
- d. Boya ahli waris kengin muponan hasil manut dudonan luire :
 - 1. Santana wadon, salami dereng kesah mawiwaha miwah tan alpaka guru, prade madrebe pianak utawi oka tan keangkenin olih wong tua rare punika kengin ngawaris pikolih utawi pagunakayan sentana luh inucap kamawon.
 - 2. Balu wadon miwah balu lanang nyeburin utawi soang-soang boya sentana.
 - 3. Mulih daha-teruna, riantukan pawiwahannya pecak kabawos sampun ninggal kadaton.

- e. Pawaris kengin maweweh rikala maurip pinaka jiwa dana, tata dan utawi bekel makacihna tetep ring sentana sane kesah mawiwaha.

Pawos 66

- (1). Prade sajeroning pakulawarga wenten ahli waris langkungan ring adiri, patut kadi ring sor :
 - a. Ngawentenang paigum indik padum waris inucap.
 - b. Yan tan prasida, mangda katunasang tatimbang ring prajuru utawi kerta desa.
 - c. Prade taler tan wenten cumpu ring panepas kerta desa kengin katunasang ring sang rumawos
- (2). Prade pangemong karang ayahan desa inucap kaputungan, patut prajuru nibakang ring :
 - † a. Sang sinanggeh ahli waris manut awos 62 (2).
 - b. Sang kengin anggen sentana manut pawos 56
 - c. Prade tan kacumpu ring panepas kerta desa, kengin katunasang ring sang rumawos.
- (3). Prade karang desa kaepah, patut soang-soang neduning ayah krama desa ngarep.
- (4). Sajeroning paeduman warisan, sane kantun sajeroning garbha, sinanggeh sampun wenten tur madewawirang ring warisan punika.
- (5). Prade rare punika lampus, manggih nenten nenin wenten.

SARGA VI WICARA LAN PAMIDANDA Palet 1 Indik Wicara Pawos 67

- (1). Sane wenang mawosin makadi mutusang wicara ring desa, inggih punika, prajuru desa kang sinanggeh kerta desa.
- (2). Prade sang mawicara tan wenten cumpu ring pamutus kerta desa kengin nunasang wicara inucap ring sang rumawos.

Pawos 68

- (1). Sahanan wicara mawiwit, kacorahan sakaluire sinanggeh nungkasin daging awig-awig, pararem miwah paswaran desa utawi Banjar, prajuru patut digelis mawosan tan nyantos pasadok.
- (2). Sajaba wicara ring ajeng, patut nyantosang pasadok sang nunas bawos.
- (3). Panepase, patut pastika nyantenang iwang patut malarapan iri.

Palet 2 Indik Parnidanda Pawos 69

- (1). Desa utawi banjar wenang nibakang pamidanda ring krama desa utawi banjar sane sisip.